

Percipias rerum sit quantula portio, verbis
 Quam nos magnificus in regna superba secamus,
 Partimur ferro, mercamur sanguine fuso,
 Ducimus exigua gleba de parte triumphos,
 Illa etenim moles per se spectata seorsim,
 Magna quidem: si cum stellati tegmine cœli
 Componas, puncti instar erit, vel seminis, unde
 Condidit innumeros senior Gargetius orbes.

Hac illa est hominum sedes, hac illa ferarum
 Et volucrum domus: hoc angusto è carcere quantum
 Surripit Oceani terra circumfluit humor,
 Quique per Herculeæ irrumpens divortia meta,
 Europam Libycis latè sejungit ab oris?
 Adde huc claustra Arabum, quæq; arctant aquora
 Hyrcanos: huc adde lacus laxa, paludes, (campos

Et quæ præcipiti labefactant flumina montes
 Vertice, vel pigris stagnant immota lacunis.
 Dumq; hæc virapiunt, hæc orbem gurgite mergunt,
 Conditur exigua sub aquis pars maxima terra.
 Quod superest, magno velut Insula parva profundo
 Innatat: hæc etiam quantum vel squalet arenis?
 Vel tumet in vastos sine fruge, sine arbore montes?
 Vel nimis ardet flammis? vel frigore torpet?
 Vel jacet humano indocilis mansuescere cultu,
 Vel secunda malis animantium in funera succis?
 O pudor, o stolidi præceps vesania voti!
 Quantula pars rerum est, in quâ se gloria tollit,
 Ira fremit, metus exanimat, dolor urit, egestas
 Cogit opes ferro, insidiis, flammâ atque veneno?
 Scilicet & trepido fervent humana tumultu.

DE MUNDO.

Nomen à quo &
 est inditum.



VNIVERSITAS hæc, quæ ob mentis humanæ sacraria magis, quàm oculorum aciem ob-
 versatur, ab elegantia perfectâ & absolutâ puritate; Latinis *Mundus* dicitur. Is Plin. Na-
 turalis historiæ lib. 11. cap. 1. *cujus circumflexu teguntur cuncta.* Apuleio, admirandam om-
 nibus machinam depingenti, qui societate Cœli & Terra constat, & eorum naturis quæ utrius-
 que sunt. Ejus formam in speciem Orbis absolutissimi globatam esse, nomen inprimis, &
 consensus in eo mortalium Orbem appellantium pingentiumque, sed & argumenta rerum
 docent: non solum quia talis figura est capacissima & simplicissima, omnibusque sui par-
 tibus vergit in sese, ac sibi ipsi tolerandæ est, seque includit & continet, nullarum egens compaginum, nec finem
 aut initium ullis sui partibus sentiens: sed oculorum quoque probatione, quod convexus undique sit quacum-
 que cernatur, quodque partes habeat ejusdem formæ, cum id accidere in aliâ non possit figurâ. Ut ridicu-
 li meritò existimandi sint, qui non figura spherica vel rotundum, sed aliis etiam figuræ eum esse sunt arbitrati. Par-
 tes mundi duæ sunt, Ætherea sive cœlestis, & Elementaris sive sublunaris. Ætherea est lucida illa regio sphaeras
 cœlestes omnes coplexa, immunis ab omni variatione: Elementaris est ea quæ infra illos Orbes constituta, gene-
 rationem corruptionemque admittit, estque non tantum corporum simplicium, ut sunt Ignis, Aër, Aqua, Terra:
 verum etiam eorum quæ ex hisce componuntur: quorum quinque genera Sapientes prodiderunt. Sunt enim quæ-
 dam imperfectè mixta, quæ *Meteora* appellamus, Grandines, inquam, Pluvia, Nubes, Tonitrua, Fulgura, Ventia: a-